

FORSETAÚRSKURÐUR

um sendiráð, fastanefndir hjá alþjóðastofnunum og sendiræðisskrifstofur.

FORSETI ÍSLANDS

gjörir kunnugt:

Samkvæmt tillögu utanríkisráðherra og með vísan til 4. gr. laga nr. 39/1971 um utanríkisþjónustu Íslands eru hér með sett eftirfarandi ákvæði:

1. a. Sendiráð skulu vera í Berlín, Brussel, Helsinki, Kaupmannahöfn, London, Mapútó, Moskvu, Ottawa, Ósló, París, Peking, Stokkhólmi, Tókýó og Washington. Sendiráðið í París skal jafnframt gegna hlutverki fastanefndar hjá nánar tilteknum alþjóðastofnunum.
b. Fastanefndir skulu vera í Brussel, Genf, New York, Strassborg og Vín. Fastanefndirnar í Genf, New York, Strassborg og Vín skulu jafnframt gegna hlutverki sendiráðs gagnvart nánar tilteknum ríkjum.
c. Aðalræðisskrifstofur skulu vera í New York og Winnipeg.
2. Umdæmi sendiráða skulu vera sem hér segir:
 - a. **Berlín.** Auk Þýskalands skal umdæmi sendiráðsins vera Króatía, Pólland og Sviss.
 - b. **Brussel.** Auk Belgíu skal umdæmi sendiráðsins vera Marokkó, Liechtenstein og Lúxemborg. Forstöðumaður sendiráðsins skal vera sendiherra Íslands hjá Evrópusambandinu (ESB/EU).
 - c. **Helsinki.** Auk Finnlands skal umdæmi sendiráðsins vera Eistland, Lettland og Úkraína.
 - d. **Kaupmannahöfn.** Auk Danmerkur skal umdæmi sendiráðsins vera Ísrael, Litháen, Malta, Rúmenía og Tyrkland.
 - e. **London.** Auk Bretlands skal umdæmi sendiráðsins vera Grikkland, Holland, Indland, Írland, Maldíveyjar, Nepal og Nígíría.
 - f. **Mapútó.** Auk Mósambík skal umdæmi sendiráðsins vera Malaví, Namibía, Suður-Afríka og Úganda.
 - g. **Moskva.** Auk Rússlands skal umdæmi sendiráðsins vera Armenía, Aserbaídsjan, Georgía, Hvíta-Rússland, Kasakstan, Kirgisía, Moldóva, Tadsjikistan, Túrkménistan og Úsbekistan.
 - h. **Ottawa.** Umdæmi sendiráðsins skal vera Kanada.
 - i. **Ósló.** Auk Noregs skal umdæmi sendiráðsins vera Egyptaland, Makedónía (fyrrum Sambandslýðveldi Júgóslavíu), Kýpur og Tékkland.
 - j. **París.** Auk Frakklands skal umdæmi sendiráðsins vera Andorra, Ítalía, Portúgal, San Marínó og Spánn. Sendiráðið skal gegna hlutverki fastanefndar gagnvart Efnahagssamvinnu- og þróunarstofnuninni (OECD), Menningarmálastofnun Sameinuðu þjóðanna (UNESCO) og Matvæla- og landbúnaðarstofnun Sameinuðu þjóðanna (FAO) í Róm á Ítalíu.
 - k. **Peking.** Auk Kína skal umdæmi sendiráðsins vera Ástralía, Indónesía, Mongólía, Norður-Kórea (Alþýðulýðveldið Kórea), Nýja-Sjáland, Suður-Kórea (Lýðveldið Kórea), Taíland og Víetnam.

- l. **Stokkhólmur**. Auk Svíþjóðar skal umdæmi sendiráðsins vera Albanía, Bangladess, Búlgaría, Júgóslavía (Serbía-Svartfjallaland), Pakistan og Srí Lanka.
- m. **Tókýó**. Umdæmi sendiráðsins skal vera Japan.
- n. **Washington**. Auk Bandaríkjanna skal umdæmi sendiráðsins vera Argentína, Brasilía, Chile, Gvatemala, Kostaríka, Kólumbía, Mexíkó, Níkaragva, Perú, Úrúgvæ og Venesúela.
3. Fyrirsvar fastanefnda skal vera sem hér segir:
 - a. **Brussel**. Auk Atlantshafsbandalagsins (NATO) og stofnana tengdra því skal fastanefndin fara með fyrirsvar gagnvart Vestur-Evrópusambandinu (VES/WEU) og Stofnuninni um bann við efnavopnum (OPCW) í Haag í Hollandi.
 - b. **Genf**. Auk Fríverslunarsamtaka Evrópu (EFTA) skal fastanefndin fara með fyrirsvar gagnvart skrifstofu Sameinuðu þjóðanna í Genf, Alþjóðaviðskiptastofnuninni (WTO), Alþjóðafjarskiptasambandinu (ITU), Alþjóðaheilbrigðismálastofnuninni (WHO), Alþjóðahugverkastofnuninni (WIPO), Alþjóðaveðurfræðistofnuninni (WMO) og Alþjóðavinnumálastofnuninni (ILO). Jafnframt skal fastanefndin gegna hlutverki sendiráðs gagnvart Slóveníu.
 - c. **New York**. Auk þess að fara með fyrirsvar gagnvart Sameinuðu þjóðunum í New York skal fastanefndin gegna hlutverki sendiráðs. Umdæmi þess skal vera eftirtalin ríki Karíbahafs: Bahamaeyjar, Barbadoseyjar, Grenada og Kúba.
 - d. **Strassborg**. Auk þess að fara með fyrirsvar gagnvart Evrópuráðinu skal fastanefndin gegna hlutverki sendiráðs gagnvart Páfagarði.
 - e. **Vín**. Auk Öryggis- og samvinnustofnunar Evrópu (ÖSE/OSCE) skal fastanefndin fara með fyrirsvar gagnvart Alþjóðakjarnorkumálastofnuninni (IAEA) og skrifstofu Sameinuðu þjóðanna í Vín. Jafnframt skal fastanefndin gegna hlutverki sendiráðs gagnvart Austurríki, Bosníu og Hersegóvínu, Slóvakíu og Ungverjalandi.
4. Umdæmi aðalræðisskrifstofa skal vera sem hér segir:
 - a. **New York**. Auk New York fylkis skal umdæmi aðalræðisskrifstofunnar vera fylkin Connecticut, New Jersey og Rhode Island.
 - b. **Winnipeg**. Umdæmi aðalræðisskrifstofunnar skal vera héraðið Manitoba, að undanskilinni borginni Gimli.
5. Utanríkisráðuneytið fer með fyrirsvar gagnvart öðrum ríkjum sem Ísland hefur stjórn mála-samband við, m.a. með skipun sendiherra með búsetu í Reykjavík eftir því sem ástæða er til:
 - a. **Ameríka**: Panama.
 - b. **Afríka (sunnan Sahara)**: Angóla, Botsvana, Eþíópía, Gana, Grænhöfðaeyjar, Kenía, Lesótó, Níger, Seychelleseyjar, Sómalía, Svasíland og Tansanía.
 - c. **Mið-Austurlönd (ásamt Norður-Afríku)**: Alsír, Barein, Írak, Íran, Jórdanía, Kúveit, Líbanon, Óman, Sádi-Arabía og Túnis.
 - d. **Asía**: Filippseyjar og Singapúr.
 - e. **Eyjaálfa**: Marshalleyjar.

Úrskurður þessi öðlast þegar gildi. Jafnframt fellur úr gildi forsetaúrskurður nr. 134 frá 31. desember 1999.

Gjört á Bessastöðum, 12. desember 2001.

Ólafur Ragnar Grímsson.

(L. S.)

Halldór Ásgrímsson.